



977402

靜香閣詩存



光緒戊戌
順德
龍氏栞

閏三月朔

日黎榮翰

筆候題

靜香閣詩存

順德黎春熙文綺著

秋夜共讀示弟國康

課讀鄉園秋夜長
明窗隱約共鐙光
候蟲唧唧驚人懶
絡緯聲中月似霜

滕王閣

時閻爲賊毀

經過名勝負登臨舊館荒
涼弔古心峽蝶成圖原夢幻
干戈流恨與江深
鄱湖浪湧兼天地
章貢雲移變古今
極日落霞秋水景
扁舟無賴發孤吟

窗前龍眼樹不實

靜香閣詩存

螺樹山房叢書

怪得枝頭鳥雀稀
驪龍想已挾珠飛
春來風雨摧殘甚
還有婆娑蔽落暉

鄱陽湖

鼓盪天風浩浩聲
鄱湖終古不平鳴
氣吞章貢歸無極
勢擊荆揚入太清
千里趨庭非遠宦
十年逋寇未休兵
家風祖德還依舊

曾大父通奉公會宰鄱陽

夢切洪都繞滕情

摹帖學書不進改
用鈔書稍知結構戲作

縱有王羊不起予
九烏炎暑學鈔書
閣中豈有班超志
投筆依然一笑渠

彈子磯

彈子磯高處嶽崎鳥不前山穿千尺水身出九重天嵐
氣通雲兩江流入暮煙孤舟防失路行止意茫然

紅梅

香生紙帳得開遲日照園林發數枝縞襪修成丹換骨
絳羅褪出玉爲肌吳宮醉舞猶含笑唐苑新粧正點脂
任爾春花爭富貴紅顏原抱雪霜姿

八月初九日賊至圍南安是夜大雨章江漲不可

渡

黑雲浩浩捲雙旌陵雨滂沱夜捍城壯士疆場爭努力
家人生死早忘情江翻雪浪喧鼙鼓天倒銀河洗甲兵

靜香閣詩存

二

螺樹山房叢書

報

國愧無奇六出木蘭奚用請長纓

賊退志喜

諜報援兵奏凱旋喜心翻倒淚潸然干戈一死知誰惜
骨肉重生始自憐似說賊營栖燕雀何來軍府靖烽煙
犒師恰是中秋節桐子歡歌月正圓

桐子二字出
楊子法言

偶閱易安居士詩作此惜之

飄華跌宕筆花生漱玉流傳有定評末路蹉跎誰負爾
少年才調最憐卿桑陰莫唱羅敷曲筇拍何關董祀情
不及茂陵秋雨客白頭吟尙寄心聲

粵秀山

夕陽疎樹送歸鴉赤縣新名兆獲嘉
主臨朝終絕世好山隨地可移家
漢臺風日千秋古

昭代文章百越華

學海堂應元書院皆建山上

不見紅棉空詠絮擬

將餘思問梅花

婦女粧隨時改易因閱梁冀妻孫氏事各賦小詩

存三

白柰簪花翠黛低芙蓉不及綠雲笄
男兒有淚流知己非比濃粧掩袖啼
啼粧

心聲本發性情真一笑何須齟齬嚙
恰似玉環多啖荔

靜香閣詩存

三

螺樹山房叢書

側生搖動左車斷齟齬笑

楚國風流重細腰蓮花步步似扶搖
誰知五斗歸來客

不向門前效柳條
折腰步

畱別南安官署

時侍大人赴贛州

身世渾如一葉舟烽煙才息赴虔州
尊鱸定勝鱒鯉味

江西鱒鯉遠不及粵

萍梗難因桂樹畱

署多丹桂

郡縣夾江通嶺嶠軍

民銷甲事田疇種茶虛願隨流水

大人欲種茶未果

怕上春風

啜茗樓

落葉

空山鳥語頻落葉拂虛塵墮地皆隨化
因風敢怨春綠

珠留舊恨飛燕是前身草木無情物偏驚羈旅人

歸度大庾嶺

梅關重度總勞薪望見家山黯夕曛北洗欃槍章水兩

謂南安西歸王母素車雲時侍大英雄兒女輪蹄共急

賊退事母喪歸雪驚塵楚越分棹楔路俯瞻拜罷昔年曾此掃妖氛母

承賜御書扁額南

紀夢

梨雲蕉雨夜遲遲身入甜鄉事不知豈但邯鄲成幻境

縱醒猶是未醒時

酒後偶成

靜香閣詩存

四

螺樹山房叢書

避席逃禪入夢中殘燈欲施醉顏紅浸言魯酒醒無味

身世文章一例同

贛州兵變

上隴軍還噪餉驕總戎空錫侍中貂重生有幸如春夢

謂南安賊退萬死無功答

聖朝章水風塵鼙鼓震金陵將帥姓名標時江南最憐

冒雪單騎往博得疆場殺氣銷大人撫慰之亂乃定

讀元遺山論詩絕句

一篇春雨少游辭知道先生也見啗芍藥薔薇空點綴

如今真是女郎詩

韶州舟次

厯盡崎嶇別豫章故園將近夢魂涼水街殘日猶隨航
風送微雲屢望鄉衣鉢精藍原寂滅輪蹄歸路劇怱怱
我來參得南華偈明鏡臺前拂拭光

村居晚眺偶成

時久不
接家書

極目桑麻落照時初晴芳靄綠差差雲低擁樹補山缺
風細吹蘋引月移縱有別離尋夢易不因迢遞覺書遲
溪流清淺無波浪轉憶臺澎意自馳

蝴蝶花

時寓伯父
方流家

豈是韓憑變化奇分明栩栩宿花枝園林畱戀因春好
靜香閣詩存
五
蝶樹山房叢書
雨露栽培有夢思傅粉亦成林下格得名誰似謝家詩
滕王閣畔經由處圖畫依稀剩兔葵

聞大人臺灣禱雨立應

渴澤焦原正閔農馮夷翻海躡虛空天憐禾黍同生氣

地異桑林入化工南嶺洗兵雲已黑

大人守南安日賊
圍城是夜大雨章

江漲不
能渡

臺澎沃土粟猶紅秋來幸勿吹鹹雨害物全無

潤物功

澎湖濱海秋有鹹雨殺
草由大風吹海水所成

和璧侯兄桂花未開

怪得疎林蝶不來天香也倚雪霜栽黃花任爾爭秋氣
獨抱丹心待月開

和璧侯兄訪菊不遇主人

寂寂東籬蛺蝶飛秋霜欲下朔風微黃花老卻無人賞
底事淵明尚不歸

家書述臺灣風土之異有溪水終日作長歎聲有
山晝煙夜火風雨不滅各紀以詩

碧溪爾本無愁者終古流成長歎聲何事竟懷將別恨
於人定抱不平鳴橋成魚鱉朱蒙渡地近蛟龍赤嵌城
臺故水已知歸隸圖籍底須嗚咽獨含情

奇石嶽崎黯夕曛赤騰騰地盡氤氳祝融翻海黑無雨
回祿烈山紅有雲絕島天驕誰撲滅臺夷稷和約大人折之老親

靜香閣詩存

六

螺樹山房叢書

炎微劇辛勤況聞立應桑林禱時臺地九月不雨至十月臺地九月不雨至十月大人十四日禱次
日即未害池魚一例焚

途次初見雪

才見漫天玉屑霏梅花樹樹認依稀謝家小女風塵苦
未暇裁箋擬絮飛

次韻奉酬馮氏祖姑南昌見寄

鄒雲五色捧新詩迢遞洪都憶別時生死賊中隨大母
侍祖慈馮太夫人南安魏播江上失良師可堪骨肉憑

賊退後禾幾奉喪歸延祖伯回首風塵親串隔怕聞

書寄況是池塘感夢思
長笛一聲吹

閒關汾晉久際離

來書言欲歸山西未果

胸有江山句易奇詠絮

我慙林下格品梅君有歲寒姿干戈身世都成夢巾幗文章要起衰綠鬢蒼顏須努力嶺雲遙隔意遲遲

豪家被籍書事

海山仙館月輪高鐘鼎樓臺一世豪通貴故人知不少
盛衰容易感綈袍

傾筐倒篋數家珍婢妾蒼黃避下陳金谷繁華原一夢
此時可有墜樓人

喜君樂弟自塾歸省是日適奉大人臺灣書

一肩書卷付奚囊喜爾歸來自故鄉一紙平安書又到

靜香閣詩存

七

螺樹山房叢書

倚閭何止慰高堂

殘臘匆匆歲欲新無多骨肉倍情真遙知雞黍團圞夜
海上思家有老親

泥龍角鐵牛歌

維龍折角維牛奮角龍戰牛鬪桑園圍惡誰割龍耳誰
執牛耳龍眠牛臥桑園圍時我聞父老傳說桑園圍泥
龍角畔龍作威會稽施主簿照水潛燃犀陰陽天地爲
爐炭鑄成頭角何精悍石馬空留字畫看銅駝不起荆
榛歎金沙江畔荆江西水萬里奔注誰能降此圍保障
南三縣南海三縣邱山回首天低昂大哉聚此六州鐵永

鎮江頭孽龍孽雲垂海立風雨秋如見玄黃汗流血又
如老子忽從西極來青牛蹠踏波浪開紫氣蒼然妖氛
淨一洗却燼昆明灰翻思吳越水犀手三千勁努皆牛
後鐵鎖雖鎖巫支祁兵革未已戰鼓悲蠻夷披猖逸羈
勒豺狼狐兔滋鬼蜮僂金豈信一言欺攻石猶煩五丁
力粵夷填海民爲之役鐵牛鐵牛安能使爾變作田單之火牛否
則鑄爾作劍斬卻樓蘭頭犧尊玄酒用告廟鳶肩火色
胥封侯我歌至此孤憤發唾壺擊碎心鬱勃嗚呼樓船
莫畏水中龍爾牧來思思阿童

聽琴

靜香閣詩存

八

蘇州山房叢書

鳥語蟲吟寂不驚誰家深夜七絃聲天風海水無尋處
惟見青山明月生

與諸昆有約中秋鄉園賞月余以事十一日先返

郡城畱詩柬錫田兄福田君樂二弟

又負中秋月一輪來時更比去時頻不因重九茱萸宴
此會依然少一人

由鄉園返郡城夜泊珠江寄錫田兄福田君樂二

弟

珠江江頭波浪平萬籟寒生雁陣驚遙望故園已迢遞
海風吹雨作秋聲

學老杜諸將二首 并序

臺灣屬彰化之在籍副將林文明積惡土豪抗
官阻險又安平副將蕭瑞芳卽通夷起衅之蘇
成冒行伍升今職者大人一月內連請 旨誅
之

雄鎮東南薦剡來始知天網不恢恢十年孤憤填蒼海
萬里邊愁入紫臺將帥荷

恩魚袋錫鯤鯨跋浪虎門開潛踪終作含沙蜮蕭近峻
夷滋事

致副將江
公自劾軍令分明絕禍胎

戟門家世監簪纓氛祲冥冥赤嵌城三窟網開兔免脫

靜香閣詩存

九

螺樹山房叢書

九淵波撼老蛟驚盾頭磨墨難馳檄匕首登床有伏兵
林有兄官提督贈宮保大人密令沈太守 一自板升駢
計擒之次日沈公床下伏刺客亦被獲

戮後樓蘭劍氣斗牛明

朝漢臺

呼鑿道上暮笳哀海氣妖氛滾滾來一笑陸生懷重寶
千秋猶說越王臺

花影

陌上人歸緩緩行參差花樹影縱橫非因明月誰知爾
除卻清流那照卿欲畫折枝難點筆無言籍地更含情
朝來風雨何須惜十二闌干寂不聲

詠霍光

賜圖負屨比周公伊霍千秋一例忠尚少風雲綠子女
雖無學術亦英雄兩朝許史椒房寵百戰嫖姚汗馬功
未必遂萌驂乘禍大將軍自氣如虹

朝漢臺

陳跡登臨久息烽佗城吹老木棉風亭樓倚樹雲深碧
舟楫漫天日不紅北勝威名知草木南朝興廢弔英雄
高臺今屬蠻夷長翡翠何曾入漢宮

丙寅之役
夷踞粵山

紅梅

禁寒猶帶醉紅線亦仙人點染胭脂色包涵天地春清

靜香閣詩存

十

螺樹山房叢書

霜冷冷淡斜日見精神不讓櫻桃美新粧絕點塵

光孝寺

伽藍歷盡劫飛灰終古風旛不動埃金地爐煙出城闕

玉山秋色入樓臺宦官塔並豔妻鑄

寺庭鐵塔為南漢
宦者龔澄樞同妻

鄧十二遷客裝非膚使來回首伴翔遺宅在青蠅憑弔

孰憐才

澎湖海底有珊瑚樹長數尋圍徑合袍水清則見

人不敢取云有神護之季父歸述因賦

赤騰騰地獨懷琦絕島殊珍勝玉芝今古大材難世用
文章奇樹有誰知蛟龍窟穴蟠神物烽火枝柯植漢池

不向人間爭寶貴自隨紫氣吐丹曦

蘇武牧羊圖

涼風動邊徼海上久羈馱臥起尙持節英雄寧斷頭苑
中曾射雁關內不封侯瓶乳知何日河梁白草秋

歲暮詠史有感

趙佗

佗城歷盡劫飛灰殘臘無端感禍胎紫貝明珠消息絕

何嘗朝漢有層臺

丙寅之役
夷踞粵山

徐福

西極蓬萊別有天風颺道阻幾人旋三千拊背離家子

靜香閣詩存

七

螺樹山房叢書

猶道乘槎去訪仙

夷招生口
往小呂宋

伍員

閒關出走闔閭城贈劍吹簫託死生吳苑繁華猶昔日

憐他抉目不因兵

入天主教者
死即抉目

項籍

萬人學敵氣斯張一炬咸陽劫虎狼今日阿房已焦土

方刀方斧笑秦皇

天津民變
燒禮拜亭

李廣

矢盡猶能禦敵人霸陵夜獵滿霜霏龍城飛將威名在

未許胡兒虜漢軍

津門團防
曾侯議戰

蘇武

餐蘊齧雪葆忠貞杯酒河梁去國情不辱天朝持漢節

千秋膚使重蘇卿

朝廷命大臣
崇公出使法國

送壁侯兄由海道計偕入都先赴臺灣官署

流年促人人促裝三年一試春明忙送歲已渺渺送人

轉茫茫鷓鴣明冲天在翻羽鯤鵬擊水紛飛舞情似滄溟

深復深跋浪魚龍避風雨我正元亭問奇字才謝班姬

難續史池草迷離夢伯兄

延祖兄
已歿

堂萱依倚親猶子

與余

君樂弟讀書鄉塾
家事皆兄料理

興來偶詠謝家雪一字相師自怡悅

十年文酒共悲歡萬里風塵借離別此行先度澎湖濱

靜香閣詩存

十三

螺樹山房叢書

馬流龍戶迎前津君方北行戀慈父我亦南望思嚴君

依依親舍各翹首海水天風多白雲赤嵌城頭一相見

自憐久暎慈顏面地遠何厓內顧憂事煩只恐中情倦

匈奴未滅遑恤家膝前代請一餐加兒女柔情亦慷慨

平安絮語休紛拏從古文章重天性卽君一第何論命

仔肩世事由精神心慕顯揚須愛身梁山陰雨試操纒

下亭盜馬當書紳燕市高歌莫狂醉心肝嘔出污車茵

兄每飲
多大醉

江淮河濟波浪沸滄海曾經知不畏令暉自盼

大雷書宗文豈少長風氣臺灣京國心悠悠浩歌相送

珠江頭方今鐵網搜奇樹釣竿拂取珊瑚鉤

澎湖海底
有珊瑚樹

甚少壯幾時人易老馬蹄須趁春光好火山火井皆奇
遊臺有火祝君火色飛騰早
火山火井

詠伍員

昭關出走獨含情國怨家讐恨未平漁父濟江干劍氣
英雄亾命咽簫聲十年孤憤栖吳苑雙眼分明見越兵
何似鑄金歸去客西施同載五湖行

春草

遠水茫無際芊絲草已生一坏青漢冢千里綠吳城詞
客不成夢征人何處行幾時南浦地畱此別離情

落花

一覺繁華夢樓頭怯雨聲踏青寒食節慘綠少年情墮
地憑誰惜因風敢自輕明年春信好依舊發江城

肇自己已三秋歷於庚午嘉平得詩六十首順德文

綺氏黎春熙紀於靜香閣

靜香閣詩存終

男裕光恭校

靜香閣者 先母黎夫人吟咏之處也 先母少日姆
教女學之外好爲詩歌每得句呈 先外祖光祿寺卿
兆棠公苟得許可優忻然忘食及適 先資政公不幸
遭家不造 資政公見背後不數年亦相繼棄養時 裕
光僅六歲今忽忽已十餘年追憶往事猶略記曾見此
稟偏摻不得後從故紙堆中檢出自己已至庚午僅得
古今體詩若干首益已亾什五六矣遂敬謹編輯亟付
剞劂卽以所居名之嗚呼慈顏已渺遺墨猶留披檢叢
殘罔敢失墜而沉 先母生平見志之作幸有是編要
亦如碩果之僅存矣因濡淚和墨以述顛末用誌不忘
之意云光緒戊戌閏月 男裕光 謹識

靜香閣詩存 跋

螺崗山房叢書

